

doer 文川网  
入驻商家  
在文川网建家古籍书城 获取更多电子书

中國方志叢書·華北地方·第五一一號


據

清 王 晉 修  
咸 豐 十 一 年 刊  
本 輯

影印

河 北 省

# 深澤縣志



2010/12  
成文出版社有限公司印行



\*10107339\*

中華民國六十五年 月臺一版

# 深澤縣志

全 冊

發行人：黃 成 助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

深澤縣志序

深澤當滹沱瀆水南北之會界安東晉定之交四通八達  
貧咸豐十年予移刺中山時以嘆喏二國和議未成京師戒嚴東  
豫捻匪竄入畿南郡縣土寇饑民乘間蠶起深澤有岌岌乎不可  
保之勢予亟與縣令教佐集紳董練勇丁晝夜巡防獲匪立  
誅聲勢聯絡外侮聞風遠遁自夏徂冬躬親其事而能識政體不  
辭勞瘁者邑之士惟王子肇晉爲最越一年歲獲中稔閭閻安堵  
王子以續脩縣志乞爲校正予按縣志創始於康熙年許君來  
釐正於乾隆年王君植來音稱循吏宰縣時盜賊橫行民不安枕  
嘗曰內寇不靖何緝外寇嚴鄉民守禦而盜遂屏迹王君植肇晉  
之祖爲羅定州牧循良之譽徧於東粵其條陳三事曰足用於國  
不如藏富於民曰僻鄉下邑絃誦相聞又曰嚴保甲凡奸匪例當

docsriver 文川网  
入驻商家 古籍书城

在文川网搜索古籍书城 获取更多电子书

連坐者按律必懲嗚呼使有牧民之責者皆以許王二君之言爲則小邑窮鄉之百姓豈有饑寒盜賊之憂哉夫志一邑之史也不惟其文而惟其事不惟其事而惟其事之足以徵文獻而垂法戒考訂百餘年後其間人事廢興見聞就湮無能稱說者秉筆之士或文采不足以識舊典學問不能以窺述作使我

國家深仁厚澤之遺賢令尹禦災安民之道職官輿地沿革變置之方人才學校文章之盛衰不備其始終本末無以俟輶軒之采而來者無所考焉即有求治若渴之衷而於治亂之原委地方設施之順逆舊典旣無可徵信徒憑耳目所覩記者以懸揣而奉行故事其奚能有裨於斯民乎志之所繫豈淺鮮哉予深嘉王子之能繼前徽而識政體也而爰爲之序時

同治改元春正月

誥授中憲大夫賞換花翎隨帶加五級即補知府定州直隸州知州  
吳郡汪鳴和序

岩澤

山

山

序

士君子生當斯世宜潛心古訓使其言可爲士民矜式其行可爲閭里楷模自足端習尙而挽頽風若不克自勵而徒汲汲焉記載一邑之故事抑末矣雖然邑之有志所以宣揚德化寄情褒貶而使斯人有所觀感也深澤縣志創始於許仁峯大令後閱七十餘載而先高伯祖愨思公增損考訂蔚爲巨觀迄今又百餘年矣余嘗致書先兄琴航公欲與網羅採輯上續先型而琴航公馳驅閩省卒致盡瘁以歿嗚呼時歷百年人物就湮及今不修尙何待乎庚申春邑宰暨兩學博僉以纂修之事委任于余夫志猶史也體製以謹嚴爲上其次則考核貴詳明採訪宜周密之者一有不備不敢言續又奚足言志余何敢以此自任哉然此百餘年中國家之深仁厚澤所以阜敷斯邑者賢令尹之設施教化所以栽培



卷之四  
斯邑者以及人才之奮興建置之沿革風俗之盛衰河流之遷徙使不詳爲記載俾就湮沒不獨無以昭示成茲亦且溯先型而憇然滋愧此又余所不能辭其責者也用是不揣謏陋採而集之然不敢自是時折衷於邑宰學博諸公凡前志之立意精嚴者存之無關體要者去之篇幅冗長者節之人物未備者補之後事宜紀者續之酌古準今互相參考閱兩載而蕝事使後之人觀忠孝節義之風爲之奮然興觀世事變遷之跡爲之惕然懼前以紹先型于未墜後以資同志之採擇未必無小補於斯邑也至若考核未精搜羅未至斟酌未盡善此則余之所不能免願俟後之君子匡厥不逮云

時咸豐十有一年歲次辛酉孟秋邑人王肇晉謹序

凡例

一深澤縣前明無志自康熙乙卯邑令許來音始搜葺于鄉紳張靖之家得前教諭張勸所輯稿復較閱郡志邴志與邑紳士參互考訂與其事者邑紳王鑣袁斌孝廉張篤之明經王鑣茂才張鋹是爲康熙年志

一乾隆初年前羅定州牧王植取舊志增損釐正復增入編年一篇以爲全書提綱挈領而併災祥于其內細目則增河防倉儲兵防佚事四篇是爲乾隆年志

一編年一篇舊志皆搜採全史加以 聖朝典要大書分列其餘朝廷大政不僅爲一邑設者概不增入今自乾隆五十七年以後按冊編入其無從查考者不敢濫載以誌謹嚴

一建置志內舊志于學校壇廟特附配享從祀名宦鄉賢忠孝節烈各姓名位次今均移之典禮志內以昭尊敬

一與禮志舊志僅載大略今考部頒各儀制並會典諸書詳細開載凡秩祀諸神名姓暨歷朝封號亦博稽羣書登之冊內其不在祀典者均附見于建置志內以示區別

一食貨志內舊志將歷年奉歲之項諸款細書今惟將總數附列于後餘從刪削

一選舉志內舊志以科目爲一而明經分恩拔副歲其捐貢例監椽吏則由庠援例由

吏除職者始載餘皆從省今悉仍其舊

一官蹟人物已見正史者若元之尙文劉仲洙明之王源均略存梗概以爲鄉邦矜式其未入正史者則詳細叙列以備他年史官採擇且于傳後載明某人所撰庶免贅空杜撰黨私阿好之譏

一舊志將尙義壽考均列之餘志今移之人物志內以昭畫一

一舊志藝文志內所載詩賦甚夥今惟存其有關事蹟者餘皆從刪

一藝文事蹟互相表裏故不關形勝不關政蹟者不與若夫事不盡雅馴人不盡名賢一端可傳不忍湮沒者別爲佚事于書末略做說苑世說遺意蓋邑乘輿論輿軒所資傳信傳疑不敢不慎後之君子必能諒之

深澤縣志目錄

第一卷

編年志

邑事

第二卷

輿地志

星野

河防

沿革

古蹟 十景附

疆域

山川

仁和許 忠葵生

海豐張衍壽子靜

三韓續 曾紹庭

景州劉汝霖益之

全參定

天津孫慶瀾雲翔

常州章岳鎮仲甘

邑人王肇晉榕泉修輯

第三卷

建置志

城池 公署 公所附 恤政附 壇廟 生祠附 寺觀附 觀社學 倉廩 坊表

閭里 橋梁 鋪遞 墩 附兵防附

第四卷

典禮志

祀典上 祀典下 學規 禮制

歲時 風俗 俗禮

第五卷

食貨志

丁匠 田賦 留支 養廉

倉儲 遞馬 雜稅 鹽課

物產

第六卷

職官志

縣尹 縣丞 主簿 典史

教諭 訓導 武弁 名宦

官蹟

第七卷

選舉志

辟薦 進士 舉人 貢生

貢監 封贈 恩蔭 武職

武舉

第八卷

人物志

鄉賢 仕進 忠 孝

尚義 拾金不昧附 壽考 節烈

第九卷

藝文志

各文

第十卷

藝文志

詩

佚事附

深澤縣志卷之一

編年志

史有分門析類亦有年經月緯蓋所以貫初終而具事跡也深澤自漢魏以還往往蹂躪於戎馬攘據于寇霸其軼事皆散見班馬以後之書迨元明之際土滿人稀所爲土著者類由洪洞縣小興州僑寓於斯

國朝生聚教訓二百餘年而後生齒之繁人文之盛超出前古守土者其務益加培畜詎可習而忘之哉今先列編年一志以爲全書提綱挈領並附災祥於內庶事有統系易於觀覽焉志編年

邑事

漢高帝八年壬寅十月癸丑封趙將夜爲深澤侯此深澤見於籍之始也將夜亦作將夕趙將也漢三年降屬淮陰侯定趙齊楚以擊平城侯七百戶是爲齊侯其元年高帝八年也見史記

按漢書漢有兩深澤隸涿郡者爲南深澤屬幽州隸中山國者爲深澤屬冀州而史記索隱注涿澤侯下云屬中山則是將夜所封乃深澤非南深澤也今深澤即漢之南深澤而舊志以爲將夜封爵姑存疑可也



更始二年甲申春正月光武率徇河北由深澤度滹沱

世祖本紀光武以王郎新盛北徇薊故廣陽王子劉接起兵應郎於是趣駕南轅至滹沱河無船適遇冰合得過又王霸傳霸從光武擊破王尋王邑於昆陽及王郎起光武在薊郎移檄購光武光武南馳至滹沱河候吏白河水流漸無船不可渡官屬大懼光武令霸往視霸恐驚衆還詭曰冰堅可渡光武笑曰候吏果妄語也遂前比至河冰果合乃令霸護度未畢數騎而水解注云滹沱經定州深澤縣東南光武度處今俗猶謂之危渡口○按光武在更始中爲大司馬數經臨深澤今邑北之留屯邑南之息馬水凍諸鄉皆因事爲名父老猶傳之

魏咸熙二年乙酉夏四月南深澤言甘露降

見魏志

隋大業十二年丙子竇建德襲深澤取之

初上谷賊王須拔自號漫天王以兵略幽州戰死其下魏刀兒號歷山飛壁深澤衆十萬建德以計襲取之並有其地次年遂稱王見新唐書竇建德傳

唐開元十八年庚午以劉遂昌爲深澤令

是時官制令一人丞一人主簿一人尉二人唐代尹斯土者在祁州志僅遂昌一人

docsriver 文川网  
入驻商家 古籍书城

在文川网搜索古籍书城 获取更多电子书

復於大忍寺唐碑內得其姓名時承爲齊賢主簿爲樊瑋尉爲張懷張仲良

會昌三年癸亥深澤令家狗生角

見新唐書五行志志引京房傳曰執政失將害之應又曰君子危陷則狗生角

光化三年庚申朱全忠將氏叔琮下深澤

侍中檢校太尉王處存卒子郃嗣爲留後進太保是年朱全忠使張存敬攻幽州道  
祁溝關郃方與劉守光厚乃畀叔處直兵擾其尾令騎將甄瓊章次義豐而存敬游  
奕騎已至且戰且引十餘里執瓊章而氏叔琮下深澤執大將馬少安圍祁州屠之  
處直大敗見新唐書王處存傳

宋景德某年賜李春進士出身

深澤進士唐以前不可考宋進士四人景德則李春熙甯則張建元祐則田矩紹興  
則王麟

元祐二年丁卯深澤建廟學

熙甯中縣省入鼓城元豐七年復墊於水廟學傾廢至是知縣許安石始卜地創建  
田矩爲之記

元符元年戊寅九月深澤野蠶成繭織紵成萬疋見宋史五行志○按宋志載元祐六

年閏八月定州七縣野蠶成繭是年復見於深澤則深澤固蠶桑之土也治斯土者宜因地利道之

金興定三年蒙古張柔掠深澤

柔故金將興定二年蒙古獲其二親柔不得已降蒙古至是與金將武仙戰於滿城大敗之遂圍中山府南掠鼓城深澤甯晉諸縣見金史

元中統某年賜晏執柯進士出身

按舊志元進士四人在中統者爲晏執柯在至元者爲尙文張敏王晉考尙文傳乃由辟薦任用未嘗由進士也於此知舊志不盡核實

至元七年庚午擢尙文爲右直侍儀使

事詳本傳

明洪武二年己酉深澤建城隍廟

在縣治西

四年辛亥深澤修復公署

元順帝二十一年義兵千戶毛胡盧據守易州深澤無人守禦縣復廢至是知縣閻毅始修復

十三年庚申頒臥碑於深澤學宮

頒示榜文於天下令刊石於明倫堂左謂之臥碑深澤遵奉如制

十七年甲子深澤建常平倉

在吏廨東知縣姚思誠創建

成化十二年丙申深澤木異

趙八莊榆幹中枯槩忽生竅出冰病者飲之輒愈凡禱者承以器則流去則止如是  
逾年而息

正德三年戊辰深澤豕異

是年民間豕生一子色白無毛一目出頂上鼻如象

六年辛未十二月賊劉六劉七寇縣陷之

時有烈女張氏烈婦高氏死節事詳節烈

九年甲戌賜王經進士出身

唐臯榜

嘉靖九年庚寅深澤建啟聖祠

時釐正祀典文廟易像爲木主稱先師先賢另建啟聖祠祀聖父叔梁公前此顏路

曾哲孔鯉俱祀兩廡至是與孟子父孟孫氏配享祀內又以程珦朱松蔡元定等從祀深澤遵奉如制

十一年壬辰賜劉素進士出身

林大欽榜

隆慶五年辛未賜王度進士出身

張元怵榜

萬曆八年庚辰賜張立愛進士出身

張懋修榜

三十二年甲辰深澤大水發廩賑恤

用撫按臣之請也○按深澤屢墊於漳潞此後如三十五年天啟六年壞民舍淹禾稼皆其災之大者不能盡書也

四十二年甲寅裁深澤縣丞

按主簿嘉靖前已奉裁未詳其年

天啟元年辛酉南留屯民劉計昌妻一乳三男

時計昌年十八妻閻氏

深澤縣署見怪

是年官署時見鬼怪形或若犬狀數年不止縣令程可登莅任政事修舉怪自己  
崇禎十年丁丑賜王正中進士出身

劉同升榜

十六年癸未春三月十二日

大清兵至城陷知縣趙料訓導曾可毅典史周射斗死之

事詳職官○時有宋愈亨及妻媳死節事詳節烈

十七年甲申三月深澤大風陰霾

是月二十日辰時風行空際黑沙蔽天陰霾至午日黯無光是月流賊李自成陷京  
師

國朝

順治元年甲申深澤官制知縣一人典史一人教諭訓導各一人

仍明舊也明初縣學有訓導二人後裁其一

九年壬辰頒臥碑於深澤學宮

凡八條恭鐫臥石於明倫堂東南向條目詳學校

十一年甲午夏六月深澤水災

十年六月潰河水溢趙八莊堤決平地水深丈餘壞民禾稼是歲滹沱復潰禾稼淹沒○按是時締造方新庶政惟和而河伯頻年爲患見河防之急雖在盛世人事不可不修也

十六年己亥裁深澤儒學訓導

後於康熙四年復設

命學臣科歲併爲一考

後於康熙十三年復科歲兩考

併定州衛於深澤

縣之北鄉張家莊段家莊東鄉大堡馬壘故城南而中羊孝敬等鄉皆衛屯也至是併入深澤計人丁五百二十有九

康熙四年乙巳裁深澤儒學教諭

後於康熙十五年復設

七年戊申深澤水災

恩詔蠲賑



溇沱瀆河並溢淹沒禾稼被水各鄉廬舍傾倒殆盡直隸巡撫甘題請蠲賑

八年己酉

詔賜老民六十以上者布一疋米六斗貧戶皆報名賑資

十年辛亥免深澤皮賦

深澤歲賦狐皮九十二張本邑不出覓之他境胥吏因緣爲奸益滋煩擾至是知縣許來音詳請具題部議照賦役全書內價值徵解民困以蘇

廣深澤學額

順治十六年定例童生入學六名是年知縣許來音詳請援例廣額文武入學各八名另撥入府學一名

十二年癸丑夏六月深澤龍見

是日風雨大作馬舖村民杜金旺家龍起於屋破壁截梁而去

十四年乙卯秋八月故羅村民司允中妻一乳三男

是月二十六日所生也允中妻邱氏

十八年己未夏六月頒

上諭十六條於州縣

先是各縣設木鐸老人每朔望黎明巡行衢巷警於衆曰孝順父母尊敬長上各安生理勿作非爲蓋明舊也是年廣爲十六條詳典禮志

二十四年乙丑頒

御書萬世師表匾額於學官

前歲甲子

駕幸闕里

御書萬世師表四字懸大成殿是歲以四字頒行天下深澤遵奉恭懸 文廟大成殿

二十六年丁卯

恩詔蠲免錢糧

直隸順永保河四府及四川貴州兩省錢糧一同蠲免

二十九年庚午

命文武官員軍民人等經過 文廟下馬

深澤遵奉立下馬碑於樞星門外

三十三年甲戌

恩詔蠲免錢糧

順永保河均免

三十五年丙子

恩詔蠲免錢糧

順永保河四府田糧丁課俱行蠲免

三十六年丁丑

詔積穀

是年歲大有

詔積穀備賑於是常平之政益修社倉之法大行

四十一年壬午頒

御製訓飭士子文

頒於學官以時講解以端士習文詳學校

四十八年己丑

詔賜老民八十以上每人絹一疋綿一斤米一石肉十斤九十倍之

春三月

賜李率先進士出身

趙熊詔榜

五十一年壬辰以宋儒朱熹升附十哲之次

旋又以宋儒范仲淹從祀深澤皆遵奉置主如制

五十二年癸巳

恩詔蠲免錢糧嗣後滋生人丁永不加賦

恭值

聖壽六十歲特詔以康熙五十年編審丁口數定爲常額自後續生人丁但造盛世滋

生戶口冊報部查核永不加賦計深澤是年丁額共二萬二千四百三十有五

五十四年乙未

命各鄉立義學

是歲

駕幸水淀見村莊誦讀尙少諭直隸巡撫立學延師教之深澤遵奉如制

五十九年庚子

命武職得入 文廟一體行禮

先是止許三品以上武員入廟陪祭至是大小員弁俱得隨班行禮深澤有小章村

駐防千總一員遵奉如制

六十年辛丑春三月

賜王植進士出身

鄧鍾岳榜

雍正元年癸卯追封先師孔子五代王爵

改啟聖祠爲崇聖祠封木金父公爲肇聖王祈父公爲裕聖王防叔公爲詒聖王伯

夏公爲昌聖王叔梁公爲啟聖王深澤遵奉如制

命丁銀均攤地糧之內

每銀一兩均攤丁銀二錢七厘零自次年爲始

二年甲辰深澤建忠義孝弟祠節孝祠

建縣治東春秋致祭

三月

賜王械進士出身

陳德華榜

命舉老農給冠帶榮身

命各州縣歲舉勤勞儉樸一人給八品冠帶榮身以示鼓勵旋又命三年一舉核實力田守分農民濫舉者罰其罪

定先賢先儒從祀名位

廷臣集議復祀者六人遼瑗林放顏何秦冉漢鄭康成晉范甯增祀者二十人縣廩牧皮樂正子公都子萬章公孫丑蜀漢諸葛亮宋尹焞魏了翁黃幹陳淳何基王柏元趙復金履祥許謙陳澹明羅欽順蔡清國朝陸隴其增入崇聖祠者一人宋張載父迪而宋儒周程張邵朱六子俱稱先賢深澤奉行如制

三年乙巳再廣深澤學額

先是康熙五十四年直隸巡撫趙宏燮奏請廣額深澤由八名廣爲十名至是小學改爲中學入學十五名武童亦由八名廣至十二名

追封關聖帝君三代公爵

曾祖爲光昭公祖爲裕昌公父爲成忠公建後殿春秋致祭深澤遵奉如制  
四年丙午額

御書生民未有匾額於學宮

恭懸 文廟大成殿

docsriver 文川网  
入驻商家 古籍书城

在文川网搜索古籍书城 获取更多电子书

命 先師孔子聖誕官民人等致齋一日禁止屠宰闕里志八月二十七日爲生辰二月十八日爲忌日

五年丁未建先農壇每歲仲春行耕藉田禮

建壇城東詳典禮志

春三月

賜宋鏞進士出身

彭啟豐榜

六年戊申

命直省拔貢六年舉行一次

深澤貢一人王允謙以知縣即用

七年己酉

詔免深澤錢糧三千四百兩有奇

此畿輔殊 恩也每額徵銀一兩內蠲免一錢七分

八年庚戌春三月

賜宋鋒進士出身



周樹榜

九年辛亥

詔免深澤錢糧三千兩有奇  
命設約正值月

詳典禮志

十一年癸丑春三月

賜王瑩中進士出身

陳倓榜

十二年甲寅改深澤隸定州

先是改定州爲直隸州隸以曲陽新樂至是直隸總督李衛以各州多改直隸州正定府僅存十縣題請新樂仍歸正定改深澤與曲陽爲定州屬

乾隆元年丙辰大赦

除年十惡大罪謀殺故殺強盜不赦外其餘死罪以下悉赦之  
二年丁巳頒

御書與天地參匾額於學宮